

興化府莆田縣志叙

予嘗聞之先哲曰天下郡縣之志惟
三秦為最善蓋其地乃古帝王之都
會又多博雅之士從容秉筆為之書
潮本窮原沿革建置損益利弊固不
畢陳故其書胥為天下冠往歲予屏

身不月書目身不月
藩甘肅會軍務旁午日不暇給未遑
披覽其書至今猶有遺憾焉乙亥冬
奉

天子命陳臬閩中索閩之郡縣志僅得十
之二三半皆因陋就簡拙率去文之
作而又缺焉未備者也萬明年仲春

二月，莆西令汪君靖修邑乘，報以可。
凡十有八月，而書成。汪君已先去任
矣。太守宮君乞敘於予，適予將入。

覲，倣裝在俄頃間。又來遑卒，覽其書，然觀
其發凡起例，與夫所論修志之難，可
謂詳且慎矣。特無暇改其沿革建置。

損益利弊之間，果能畢陳否也。雖然，
志之不修，五十餘年矣。文獻無徵，老
成凋謝，雖具周密之識，雄偉博大之
常之才，亦何能纖悉無遺而不為後
世指摘哉。矧志即史也。世之言史者，
必以史遷、班固、范曄三史為宗，矧猶

不免後儒之譏議。甚者謂史之失，自
遷固始。信如此，則遷固尚不足言矣。
而況秦之志與蒲之志耶？嗟乎，豈不
難哉！姑應其請，畧書數語於端。若夫
山川之美，簪組之盛，財賦之饒，前人
已言之詳矣。茲不復贅。時

乾隆二十二年歲次丁丑八月七日

福建等處提刑按察使司按察使軍

功加一級隨帶紀錄五十四次漂陽

史奕昂書



興化府莆田縣志序

莆地自陳天嘉中其名始
見於史舊名蒲口至隋開
皇九年始置縣爲莆田隸
泉州宋太平興國四年別
建興化軍因改隸興化元

改軍爲路。明改路爲府。

國朝因之。而莆田之隸興化如故。志之作。則自宋紹熙壬子郡守趙彥勵延郡諸儒創造成書。迄明嘉靖辛酉及萬歷之甲戌癸丑。凡三

修之。然皆統志一郡之事。
而莆之山川土田人物特
附著焉。而弗詳。我

朝康熙甲申乙酉之歲。縣令金
臯謝博徵邑之耆彥。搜訪
前聞。別爲一邑之志。凡其

有關於莆者，因弗載焉。由是始有縣志。蓋縣之立，先于其郡三百九十年，志之修，後于其郡二百一十有三年，而縣志之成，又在其後之五百一十有三年。上

溯開皇立縣之始，通一千
一百一十有七年矣。顧自
乙酉迄今，又閱五十餘年，
舊聞放失，日久漸湮。於是
前令汪君大經承太府
宮公之命，開局於莆陽，書

院重加蒐纂。迨歲丁丑後，
令王君恒實踵成之。凡爲
書若干卷，閱十有幾月始
竣。太府公以凝吉承乏，
仙遊自開局以來，朝夕有
事，郡城時亦步武堂階，與

聞末議因令掛名簡端僭
爲之序。夫莆自立縣以來
千二百年中間廢興因革
之故繁矣。至于生斯土者
異材輩出足以增莆陽山
水之光者何可勝計。顧前

此紀載缺如其附見于郡
志者僅僅十之一二而縣
志之修卒于有待於此見
我

朝治化之隆遠軼前代而同軌
同文之盛達于山陬海澨

者如此至千餘年之曠典
不六十年間前後再舉其
事又以見吏茲土者之克
勤其職百廢具修而太
府公之率作興事交相翼
勵以底于成其功尤不可

誣也。因撫其始終大略而爲之序如此。

乾隆戊寅仲春穀旦

文林郎知僊遊縣事護理
興化府通判印務加二級
紀錄二次古絳賈凝吉撰

興化府莆田縣志叙

昔邛父莊云有千載不刊
之書無百年不葺之志誠
以志不脩世遠年湮後之
人將無所考據以爲經理
之方亦無所考鑒以識興